



Uunga siunnersuut: Utoqqalinersiaqarneq pillugu Inatsisartut Inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut Inatsisaat.
(Isumaginninnermut Sulisoqarnermullu Naalakkersuisoq)
(Siullermeerneqarnera)

Demokraatit Naalakkersuisut qutsavigaat taassuminnga siunnersuuteqarmata, siusinnerusumik soraarninngorsinnaanermut inatsisiliormata aammalu utoqqalinersiaqarnermut siusinaartumillu pensionisiaqalerneremut akinut naatsorsuusiornissamat periusissamik naqissusiimmata. Taamatullu iluarisimaarnarpoq, inatsisip atuutilersinneqarnissaa kissaatigineqarmat aammalu sapinngisaq malillugu paasiuminarsarneqarmat.

Maluginiarparput, Kalaallit Nunaanni Innarluutillit Peqatigiiffiat (KNIPK) tusarniaanermut akissuteqarsimasoq, kissaatigalugu qanoq ukiuni kingullerni oqallinnerit inuit pisinnaatitaaffiit tunngassuteqartut annertusarnissaanut eqqummaarinnerulersinnaanersugut, tassalu aapparip isertitai tunngaviginagit pensioninut isertitai naatsorsorneqarnissaanik periarfissiineq. Taamaattumik aamma erseqqissarusuppara, partiinit arlalinnit, aamma maanna naalakkersuisoqatigiinnit issiasunit, qineqqusaarnermi neriorsuutigineqarsimammat, taamaattumik eqqumiigivara, suli utoqqartatta utoqqalinersiutaannut annerusumik aqqissuusseqqinnernik saqqummiisoqanngimmat, tassungalu ilanngullugu aningaasanut inatsimmi 2022-imut siunnersuutigineqartumut utoqqarnut aningaasaliissutit qaffannerisa ersarissumik nassuiaatigineri.

Tassunga ilutigalugu Demokraatiniit erseqqissaatigissavarput, paaseqatigiittariaqarnermik pisariaqartitsineq pingorsinnaammat ukiuni 35-ni sulisimanerup kingunerisaanik "nungullarsimanerup" uppersaasarnissaanut utoqqalinersiaqalernissamat 67-iliisimangitsunut periarfissaalernissaanut. Allatut oqaatigalugu kingunerissavaa, sulinermi atukkanut apeqqut qulaajarneqassasoq suliffeqarfinni tamani, sulisut atugassarititaannik inatsisitigut illersorneqarnerat qulakkeerneqarnissaa, aammalu pingaartillugu ersarissarlugu, kina, suna aamma qanoq sulisup suliffimmini atugai uppersarneqassasut. Kommunalbestyrelsilluunniit qaqugukut "tarnikkut timikkullu nungullarsimaneremut" nassuiaatinik malitassaqaraluarpata, naliliinermut tassunga ilinniarsimasunik ikiorteqarnissaq pisariaqarsorinarpoq, tassani assersuutigalugu nakorsat ilinniagaqarsimasullu allat atornerisigut, taamaasillutik kommunalbestyrelsip sulinera sapinngisamik nakerisarsiuungitsumik assigiiaartumillu tunngavissaqarniassammat. Ajoraluartumik siusinnerusukkat misiginikuuarput, sumi kommunimi najugaqarneq apeqqutaatillugu, suli at assigiinngitsunik toqqammaveqartut assigiinngisitaarpallaartarneri apeqqutaasartoq, taamaattumik qitiusumiit qulakkeerneqartariaqarluni sulianut taama ittunut assigiimmik malitaqarnissaq.

Naatsumik siunissami utoqqarnut aqqissuusseqqinnissaq iserfigissagutsigu pingaartuuvoq, uagut politikkikkut sukannersumik iliuseqassasugut, aaliangikkagut piviusorsioituutillugit innuttatsinnullu utoqqarnut naleqassutsimik inuunermillu iluarisimaarinnittumik aqutissiuusilluta. Inuiaqatigiittut



agguataarnitta ineriartornera utoqqarnik amerlanernik sulisinnaajunnaarsimasunik innuttalik aammalu meeqqiornerup appariartornera sulisullu sulisinnaasut ikiliartornerata qanorluunniit atugarissaarnissarput unamminartissavaa, inuiaqatigiit isertitaasa qaffannissaannut sapersarutta soorlu assersuutigalugu aaqqissusseqqinnerit aqutigingikkutsigit. Siunissami atugarissaarnissaq qulakkiissagutsigu utoqqaallu inuuniarnikkut atugaat annertuumik pitsanngorsarlugit malugeqqunaqaaq, utoqqarnut politikki eqqartorsinnaanngilarput suliffeqarnejq ilanngullugu eqqartunngikkutsigu. Tusindtinik arlalinnik "nalunaarsorneqanngitsunik" inuusuttoqarpoq, sulerineri naluarpur. Taakkunanga amerlasuut meeqqat atuarfiat naammassisarpaat ingerlariaqqinnatillu. Angerlarsimaffiup avataanut meeqqanik 350 missaanik inissitaqarpugut, inersimalerunik siunissaat suussasoq ilisimanatigu. Taakku ukiut tamaasa amerliartorpasippur, meeqqallu angerlarsimaffii ilaatigut allaat aningaasarsiutitut pilersinneqartarnerannik oqaaseqarfigneqartartumik. Tamakku tamaasa eqqaasakka pinngitsoorata isummerfigisariaqarpugut tigussaasumillu iliuuseqarfialugit.

Taamatullu angerlarsimaffeqaanngitsut amerligaluttuinnartut inuiaqatigiittut ajornartorsiutitta annertuut ilagivaat, tamannalu ulluinnarni malugineqarsinnaasoq ilaatigut Nuummi Kofoed Skole-mi aqutsisup oqaluttuaraa, angerlarsimaffeqanngitsunik inuusuttunik amerligaluttuinnartunik atuisoqarlutik. Taamaattumik pingaartuuvoq, meeqqat atuarfianniit suliniarneq annertusassagippur inuusuttagut inuiaqatigiinniit katataatikkumanagit. Kikkut tamarmik meeqqat atuarfiat naammassigunikkut ilinniagaqarnissamut – imaluunniit suliffeqalernissamut pilersaaruteqartariaqarpur. Inuusuttut inuillu sulisinnaasut ikippallaartut inerisaaffigisariaqarpugut, inuunerissaarnitsinnut pitsaasumik tunniussaqaarnissaannut taamaasillutillu utoqqartatta inuunerissaarnissaannut qulakkeerinnissamut peqataatillugit. Kikkut tamarmik pisariaqartinneqarpur, tamatta pisortaniit pisartakkat iluaqutigissagutsigit. Aamma inuiaqatigiinni utoqqartaqarpugut "guultinik qeersalinnik" taasinnaasatsinnik, naak soraarninngoreersimagaluarlutik allanillu peqquteqarlutik tamakkiissumik sulisinnaangikkaluartut, taamatullu ilaatigut innarluuteqaraluarlutik sulerusussuseqarlutillu peqataarusuttut, aamma pensionisiaminnit ilanngaatsinngikkaluarlutik. Tamakku oqaaseqaatit aallaavigalugit Demokraatit isumaqarpur utoqqarnut tunngasut aaqqissusseqqinnermut pingaarutilittut isigisagut, aammalu inuttut aningaasaqarnikkullu nukit oqimaaqatigiinnissaannut attassinnaasamillu ineriartornissaannut pingaaruteqartut.

Taamatut oqaaseqarluta siunnersuut Ilaqutariinnermut- Peqqissutsimullu ataatsimiititaliamut innersuussutigarpur pisortani namminersorlutillu ingerlataqartuni nukinnik atuinissap qulaajarneqarnissaa siunertaralugu inatsisit oqaasertaasa pioreersut allanngortinneqarnissaannut ersarissaatitut.